

# U G O V O R

## O KOLEKTIVNOM OSIGURANJU RADNIKA OD POSLJEDICA NESRETNOG SLUČAJA - NEZGODE

zaključen između:

**1. FILOZOFSKI FAKULTET U SARAJEVU**, ul. Franje Račkog br. 1, (u daljnjem tekstu: NARUČILAC) kojeg zastupa Dekan Fakulteta prof. dr. Salih Fočo,

i

**2. TRIGLAV OSIGURANJE D.D. SARAJEVO**, ul. Dolina br. 8, Sarajevo (u daljnjem tekstu: PRUŽALAC USLUGA) koje zastupa Izvršni direktor za poslove osiguranja Edin Muftić dipl. ecc,

### I – PREDMET UGOVORA

#### Član 1.

Predmet ovog Ugovora je pružanje usluga kolektivnog osiguranja radnika Naručioca od posljedica nesretnog slučaja – nezgode i isti se zaključuje na osnovu Rješenja o dodjeli ugovora najpovoljnijem ponuđaču br. 01-14/230 od 30.3.2017. godine donesene na osnovu provedenog Konkurentskog postupka br. 03-02/32.

### II – OSIGURANI SLUČAJ

#### Član 2.

Osigurani slučaj je iznenadni, nepredviđen i od volje osiguranika nezavisni događaj, a ima za posljedicu osiguranikovu smrt, potpuni ili djelimični invaliditet, kao i nastanak troškova liječenja uslijed nezgode.

### III – OSIGURAVAJUĆE POKRIĆE

#### Član 3.

Radnici Naručioca osigurani su po slijedećim osiguranim sumama za osigurane slučajeve:

- smrt uslijed nezgode .....	50.000,00	KM
- smrt uslijed bolesti .....	5.000,00	KM
- trajni invaliditet .....	100.000,00	KM
- dnevna naknada u bolnici uslijed nezgode .....	10,00	KM
- troškovi liječenja uslijed nezgode do iznosa .....	300.000,00	KM

### IV – OBAVEZA PRUŽAOCA USLUGA

#### Član 4.

Pružalac usluga se obavezuje da će Korisniku osiguranja, u skladu sa odredbama Uvjeta za osiguranje, isplatiti naknadu iz osiguranja i to:

- Osiguranu sumu za slučaj smrti uslijed nezgode, ukoliko je uslijed nezgode nastupila smrt osiguranika;
- Osiguranu sumu za slučaj smrti osiguranika uslijed bolesti, ukoliko je nastupila prirodna smrt osiguranika;
- Osiguranu sumu za slučaj invaliditeta, ukoliko je uslijed nezgode nastupio potpuni 100 % (posto) invaliditet osiguranika;
- Postotak osigurane sume za slučaj invaliditeta koji odgovara postotku djelimičnog invaliditeta, prema Tabeli za određivanje trajnog gubitka opće radne sposobnosti uslijed nesretnog slučaja sa oznakom TAB-inv-NE 09-09-bh ;
- Dnevnu naknadu za boravak u bolnici uslijed nesretnog slučaja – nezgode;
- Naknadu/povrat troškova liječenja, ukoliko su nastupili stvarni i nužni troškovi liječenja uslijed nesretnog slučaja-nezgode, do ugovorenog iznosa po priloženim računima.

## **V – PREMIJA OSIGURANJA**

### **Član 5.**

Ugovorena premija osiguranja za radnike iznosi 5,00 (pet KM ) mjesečno po radniku.

Navedena premija osiguranja oslobođena je od plaćanja PDV-a, u skladu sa Članom 25 Zakona o PDV-u.

Za osiguranje radnika od posljedica nesretnog slučaja (nezgode) izdati će se polica osiguranja u skladu sa ovim Ugovorom. Ugovarač osiguranja se obavezuje da će dostaviti spisak osiguranih osoba. Početno brojno stanje radnika je jednako brojnom stanju na dan zaključenja police osiguranja.

Ugovarač osiguranja je u obavezi da pismeno obavjesti pružaoca usluga o personalnim promjenama ili promjenama brojnog stanja uposlenika u toku trajanja osiguranja. Shodno navedenom, Osiguravač će obračunati i fakturisati naručiocu premiju osiguranja u skladu sa stvarnim brojem radnika po dostavljenom spisku od strane Ugovarača osiguranja.

## **VI – NAČIN PLAĆANJA PREMIJE OSIGURANJA**

### **Član 6.**

Premija kolektivnog osiguranja radnika od posljedica nesretnog slučaja-nezgode plaćati će se u roku od 30 (trideset) dana od dana ispostavljenе fakture od strane Pružaoca usluga, usklađene sa stvarnim brojem radnika.

## **VII – TRAJANJE UGOVORA**

### **Član 7.**

Ugovor za osiguranje radnika se zaključuje za period od 01.05.2017. do 30.04.2018. godine.

## **VIII – SASTAVNI DIO UGOVORA**

### **Član 8.**

Sastavni dio ovog Ugovora čine:

- Ponuda Pružaoca usluga br. 08-4299/17 od 22.3.2017. godine;
- Spisak radnika– osiguranika Ugovarača osiguranja;
- Opći uvjeti osiguranja osoba od posljedica nesretnog slučaja – nezgode (sa oznakom PG-NE/09-9-bh),
- Dopunski uvjeti za kolektivno osiguranje osoba od posljedica nesretnog slučaja i smrti uslijed bolesti (sa oznakom PG-npk-KOL 07-08-bh);
- Tabela za određivanje procenta trajnog gubitka opće radne sposobnosti uslijed nesretnog slučaja (sa oznakom TAB-inv-NE 09-9-bh).

## **IX – OSTALE ODREDBE**

### **Član 9.**

Sve eventualne izmjene i nejasnoće nastale po ispostavljenim policama osiguranja i ovom Ugovoru, ugovorne strane će rješavati sporazumno.

Za sve odnose koji nisu regulisani ovim Ugovorom, primjenjivati će se Zakon o obligacionim odnosima.

Za sve eventualne sporove nadležan je Sud u Sarajevu.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

**Član 10.**

Ugovorne strane zadržavaju pravo na raskid Ugovora u slučajevima neispunjavanja obaveza iz Ugovora, uz prethodnu obavijest upućenu drugoj strani, najkasnije 15 dana prije raskida Ugovora.

**Član 11.**

Ovaj Ugovor sačinjen je u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

**FILOZOFSKI FAKULTET SARAJEVO**

**Dekan Fakulteta**

---

Prof. dr. Salih Fočo,

Broj:  
Sarajevo,

**TRIGLAV OSIGURANJE D.D. SARAJEVO**

**Izvršni direktor za poslove osiguranja**

---

Edin Muftić dipl.ecc.

Broj:  
Sarajevo,